



DR. MAHATHIR MOHAMAD mengadakan sidang akhbar bersama **Sebastian Kurz** di **Federal Chancellery, Vienna, Austria** semalam. - BERNAMA

UM - 22/1/2019 - M/S : 2

Sejarah pertemuan pemimpin tertua dan termuda dunia

VIENNA 21 Jan. - Pertemuan dua hala Tun. Dr. Mahathir Mohamad dengan Canselor Republik Austria, Sebastian Kurz di Federal Chancellery di sini hari ini mencipta sejarah sebagai pertemuan antara pemimpin tertua dan termuda di dunia.

Dr. Mahathir merupakan perdana menteri tertua dunia pada usia 93 tahun ketika ini selepas dilantik semula sebagai Perdana Menteri ketujuh susulan kemenangan Pakatan Harapan (PH) dalam Pilihan Raya Umum ke-14

(PRU-14), pada Mei tahun lalu.

Dr. Mahathir merupakan Perdana Menteri keempat dari 1981 hingga 2003.

Dalam pada itu, Kurz, kini berusia 32 tahun, menjadi pemimpin dunia termuda selepas parti konservatif Parti Rakyat Austria (OVP) yang dipimpinnya memenangi Pilihan Raya Parlimen negara itu tahun lalu.

Dr. Mahathir kini mengadakan lawatan kerja selama tiga hari ke Austria untuk menghadiri dua forum antirasuah iaitu Persida-

ngan Tahunan ke-10 dan Mesyuarat Agung Pertubuhan Pihak Berkuasa Pencegahan Rasuah Antarabangsa (IAACA) serta menyampaikan syarahan di Akademi Antirasuah Antarabangsa (IACA).

Ini merupakan lawatan kedua Dr. Mahathir ke Austria dengan kali terakhir pada 1985 ketika menyandang jawatan Perdana Menteri keempat.

Dr. Mahathir yang tiba di sini semalam diiringi oleh isterinya, Tun Dr Siti Hasmah Mohd. Ali. -

BERNAMA